

F. R. 80.

(X2048397)



EXTREMI HONORES,
HEROI in Toga penitus INCOMPARAB.

CAROLO,
L.B. de FRISEN,

Röthav. Cottæ, Geschwitzii & Ru-
benæ DYNAST.

SERENISS. SAXON. ELECT.
à Consiliis Sanctior. Proto-Synedr. Eccles.
Nec non Supr. Lipf. Curiaë

PRÆSIDI ILLUSTRISS. ACA-
DEMIÆ WITTEBERGENSIS
Nomine ac Autoritate

Decenter persoluti, Die

CAROLO MAGNO IMPER.

Aliàs Emortuali atq; Sacro,

Religiosè consecrati, Anno c1o 1oc XXXVII.

à

GEORGIO CASP. KIRCHMAJERO.

DRESDÆ,
LITERIS BERGENIANIS.



MAUSOLEUM. FRISIANUM.
SYMBOLIS. HEROICIS. INSIGNE.
PHOEBO. JUBENTE. AC. LUGENTE.
MOLIRI. DEBUI.

PARNASSUS.

FASTIGIO. PYRAMIDIS. TUBICINA.
INSIDENTE. FAMA.

ADDERE. EMBLEMATA. INSOLITIS.
VOLEBAT. PROPRIA.

APELLES. DEFUIT. DEBUI. LYSIPPUS.
VENTUM. AD. PYRGOTELEN.

LITERARIUM. ATLANTEM.

CAROLUM. BAR. FRISIUM.

ECQVIS. PRO. MERITIS. LAUDAVERIT.
MOERENTIBUS. INPRIMIS.

AULA. ARIS. ACADEMIIS. CURIIS.
EXEDRIS.

NULLIS. ETENIM. SEPULCRUM.
EJUS. INDEFLETUM.

Nos etiam ad Salices suspendimus organa nostra:

Dum cadit alta Fagus, Chaoniumque nemus,
Populus in fluviis, Abies in montibus altis

Plorat in immensum: *Libana Cedrus abest!*

Eminet ut Cedrus, Palmarum cincta coronâ;

Sic inter Proceres gloria FRISIACA.

GENUS atque STIRPS

Si ex condigno debeat laudari,

In multa retrò secula eundum,

Migrandæq; leges forent solitæ

ELOGII SEPULCRALIS.

Detur tamen, TACITO * loquente,

Illustrium Virorum hoc Posteritati, ut, quomodò

Exequiis à promiscua sepultura separantur,

Ita in traditione supremor. accipiant habeantq;

PROPRIAM MEMORIAM.

Multos, ante ævum, à Servatore nato, tertium ac X.

Ex Helvetiæ RAURACIS, Rheni accolis,

** Quantumvis Nobiles, inglorios obruit oblivio;

In Variscorum Myforumqve oras

FRISII qui commigrârunt postea,

HENRICUS maximè superstitat ad famam;

MARCHIONI BRANDENBURG. JOHANNI

Carus habitus ac rarus;

Qvi

* Tacit. Annal. XVI, 16. 3. ** Idem in Agric. extremo.

Qui ANNO M. CC. LXXII. ad
FRIDERIC. FORT. MARCHION. MISNIÆ

Eqvestria traduxit Decora,

Virtutum tot Miracula, quot Majores.

Natus est Röhaviæ, in Arce gentilitia,

CAROLUS, ANN. cl. Isc XIX. III. Eid. Mai.

Patre HENRICO, LIB. BAR. Heroë Per-Illustri,

SAX. ELECT. in Consilio sanctiori Senatore,

Cancellorumqve & in Summ. Senatu provocat. Præside;

Avum coluit supremum *Aulæ Altenburgic.* Magistrum,

Quem in commune *Mareschallum* nominant,

CAROLUM, Röhaviæ Cauræqve Dominum.

Sile mendax Græcia!

Quæ tot confixisti Numina, quot nomina,

Herculis Ophiuchi, Thesei, Orionis, Persei, Erichthonii,

Ex non rectè intellectâ immortalitate animarum;

Cælo Zelo intulisti stolido.

In FRIS. Proav. ad Tritavos & ampliùs invenies

HENRICOS, CAROLOS, STEPHANOS, Paterno,

EINSIDELIOS, ENDIOS, BUNAVIOS, HAUBITZIOS,

Materno sanguine prognatos:

Sed quis singulos enumeraret?

GENIUS repræsentandus FRISIUS.

* Nulla est Nobilitas, quæ solo nixa stemmate,

Præpositæ Virtutis numero non gaudet.

Majorum, Patris, Fratris, tripertitam.

Unus in se integravit gloriam;

Eqvestrium, Liberalium, Senatoriarum Artium.

Absolutissimum spectaculum.

Timotheus Cononis famam obfusasse dicitur;

LUX CAROLI absorpsit Sidera Progenitorum:

Annos ingenio, ætatem animo antevertebat,

Similis Granato malo, quæ tenerrimè oblectat,

Vernali pariter & auctumnali tempestate poma exhibens.

STUDIA sequuntur ac ITINERA.

Anniculum, & bimum, & trimum Cedrus fructum fert:

Ardorem pietatis, civilitatis, atqve Literarum.

Puer prodidit:

Lucani ore stimulos dedit æmula Virtus.

Adolescens XVI. annorum affecla Parentis Magni,

Oratoris propter Thalamos Augustos missi,

Iter Danicum ingressus, redux

Wittebergæ studiorum causâ substitit,

Intentus eloqvendi, sub *Buchnero*, artibus,

Ludeco formatore usus oprimo.

Adolescentiam florentem feriatam.

Inter ludicra traducunt multi ex Nobilitate;

CAROLUS exemplum omnibus reliquit FRISIUS:

A Juvenili tyrocinio, ingentia emeriturus decora,

Inclytas suorum laudes propriâ nobilitaverat virtute,

Leucori invitus valedixit post biennium,

** Digressus, propter Martis atq; Mortis metum, alio.

A 2

Legat-

* o. ** Anno 1637.

Legationi, ad Augustum Cæsarem, Pragenſi
 Ann. clō Iōc XXXIIX. adhæſit comes:
 Hinc Italiæ amœnitates veterumq̄ve monumenta vidit;
 Qvicquid *Venetorum* gravitas, deliciæ *Florentinorum*,
 Religioſi cultûs *Roma*, *Neapolitana* opes oſtentârant,
 Lumine prudenti potiùs, quàm curioſo perluftravit;
 Nunquàm aliorum vitiis, aut divitiis corruptus.
 In itineribus non tam Palatia & machinas ſtupendas,
 Quàm Viros Celeberrimos, Reſp. civiles artes,
 Mores hominum,
 In urbe Orbis olim domina,
 Non temporum ludibria, exesas ſtatuas, ſubſtructiones,
 Obeliſcos, fornices, cadaverum reliq̄vias admirabatur;
 Heroas, Sapientes, Doctos, inclytos ſuſpiciebat.
 Reverſus per Mediolanenſ. ditionem atq̄ve Tyrolenſem,
 Ratiſponæ morabatur in Comitiis, nec diu poſt
 Ad Batavos excurrrens, & ad hos ex Gallia recurrens,
 Gloriarî meliore, quàm Ulyſſes, fide poterat,
 Quòd *πολλῶν ἀρετῶν, καὶ νόον ἔγνω.*
 MUNIORUM hinc enata FELICISSIMA
 AUSPICIA.
 Quàm Soli proprium lucere, tam domesticum,
 FRISIIS excellere:
 Dos tamen illi planè ſingularis fuit,
 Facilitate Gravitate temperare.
 Hanc à dexteritate ſuâ commendationem obtinebat,
 Ut è Belgio, à divo Patre revocatus, ad Gottorp. Aulam,
 Cimbriæ ſe DUCI FRIDERICO mox probaret:
 Dignus nempe iudicatus, uti
 Juventutis PRINCIPES regimini ipſius crederentur.
 Pietatem ac ſolicitudinem, qui ſimul aderat,
 Amabat, æſtimabat CAROLI
 DUX ſui nominis, *Palatinus-Sultzbacenſis*,
 Verè CHRISTIANUS AUGUSTUS animo:
 Hic eò, propter ordinandas publicas res, amandatum.
 Legeret, moderaturum omnia mox Adminiſtrum.
 Afflictiſſimus illarum Regionum, iſto tempore inprimis,
 (Seu divina, ſeu humana ſpectes,) ſtatuſ
 Alium non repoſcebat, nec ferebat, Palinurum,
 Niſi cœlitùs conceſſum FRISIUM.
 MAGNIFICA conſideremus GESTA.
 Tanta & feliciter ſuſcepit, & velociter abſolvit,
 Ut geſtorum numerus vel fidei obſtare videatur.
 Aulæ, Religionis, Juſtitia, ac Camera negotiis
 Conſilio, providentiâ, vi eloqvendi, & labore inexhauſto
 Præfuit & profuit, in tantum, ut
 Promereretur Sapientis PRINCIPIS applauſum,
 Dum Heroico affectu admiratus CAROLUM,
 Et de eo Sibi pariter ac ſuis gratulatus eſt.
 Herculeum nimirum, id eſt, conclamatum opus,
 Libertatem in Eccleſiaſticis Civilibusq̄ve,
 Numine omninò fretus, reſtitutam,

Orator

Orator ad momenta Pacis *Osnabrugam* missus
Palatinatui Superiori comparabat.

Intercolumnaribus ornemus spacia hæc peristyliis:

* Arbor uti mediis, avibus gratissima, campis,
Cujus apex summi contingit sidera Cœli,

Et radix de fonte bibit, sacrisqve fluentis

Expandit satiata comas, & nubila supra est:

FRISIUS ex æquo Quercus sublimis in agro

Dona Ducum gestat, sacrataqve munera promit.

Non hyemes illam terrent, non flabra, nec imbres

Dejicient; immota manet, ridetqve ruinas,

Servati Civis referens insignia, Quercus.

Non igitur angustis amplius includi potuit limitibus,

Virtus *FRISIA*; candidior fulgebat,

Velut Carbasus Amiantina inter flammæ.

SAXO Potentissimus ELECTOR primùm Camerae,

Principatûs Hennebergici mox gubernaculo Vicarium,

PoÛt deinde intimo Senatui inauguravit Virum,

Et gravissimis Imperii negotiis adhibuit;

Transactis Saxonie Augustæ ac Ducalis,

Imperatorie Electioni celebratæ Francof.

Supremæ rei Censualis

Summoq; in Ecclesiastico Senatu } moderamini,

(Sanctissimè huc usq; gesto,)

Pactis ex voto Regiis in Dania Sponsalibus;

Et consummatis Thalami splendore;

Successioni Altenburgici Ducatûs controversæ;

Componendis inter *ELECT. BRANDENBURG.*

Et *BRUNSVICENS. DUC.* tunc diffidiis;

Supremæ in justitiæ rebus Lipsiens. Curie,

Integritate pari atqve providentia administratis.

Quanta hæc, quàmqve ardua fuerunt Reip. momenta!

Ut, in unum cadere mortalem posse dubites.

Extendit Noster ævi spacium gestorum granditate:

Senatoriâ donatus purpurâ non maculavit hanc

Iniquitate publicâ, vel avaritiâ;

Illis quoque in officiis amorem consecutus est,

In quibus difficulter odium vitari potest.

Ars magna oppidò haberi debet,

Jura Principum tueri, sine privatorum lacrimis.

Affiduis in penetralibus Deorum horum

Amorem cum utilitate Patriæ conjunxit;

In ferocientis seculi periculis,

Sub *TRIBUS ELECTORIBUS* Clarissimus:

Religionis Orthodoxæ puritatem,

Jusqve fasqve defendit;

Academiarum & provincialium Scholarum

Semper præsentissimus Meccenas,

Debellavit rem & vocem *Pennalisimi* horridam.

Sanctitatem vitæ proprio exemplo vindicavit,

Humanissimè excepit Eruditos hospites

Alloquio, conviviis, muneribus:

B

Ille

* *Corippus* in laudib. *Anastasi* & *Justinian*.

Ille DEO similis, penitus, quicumq; Camœnas

Diligit, ac animo fertq; refertq; suo.

Sideribus Elogium hoc intulit;

Quod vivens, tot Doctorum voluminibus dicatis, legit
Triumphans inter Cœlites.

Cavendum nobis ideò, ne, quam summoperè amavit

FRISIUS modestiam, vincamus titulis verbisq;

FATA potius PRIVATA venerabimur.

In *Demosthene* ac *Epaminonda* memorat politus Scriptor:

Unum hominem plus totâ Civitate posse.

Judicet Posteritas, quid meritis sit Noster?

Dum, ut Reipublicæ post Fata etiam prodesset,

Liberos oppignoravit Patriæ, Epaminondas nullos.

Suscepit X. Nepotes atq; Neptes vidit XXX.

Testis Vidua desolatissima, Virago Per- illustris olim,

DOMINA JUSTINA SOPHIA, LIB. BARONISSA,

Generoso creta Stemmata **RABO-STIGENSI,**

Ex Nobilitate Megapolitana;

Hanc in Gottorpiensi Hofator. Ducum Aula,

**Deiopejam*, Nympham tunc pulcherrimam,

Connubio junxit stabili, propriamq;ve dicavit,

Longos ut secum pactis pro talibus annos

Exigat, & pulchrâ faciat se prole parentem,

Fecit, indulgentiâ cœlesti secundante,

Immò fecundante.

Filiorum natu maximus, DN. CHRISTIAN. AUGUST.

S. Cæs. Maj. Saxonæq;ve ELECT. à consiliis,

Quæstur. Haynens. Præses & Præpositus Ecclesiæ

Ingen. Misen. Canonic. Magdeburg. quondam;

Duo juniores alii, Naturæ ordine turbato,

Dudum concessere Fatis;

Totidem supersunt, in solatium decusq; Domûs inclytæ,

DN. CAROLUS, in Legione Danica Vicarius supremus,

DN. OTTO HENRICUS, culminis Paterni hæres feliciss.

Senator Aulicus in Justitiæ ac Appellationum Consiliis

Electoralibus, & ad Comitata Imperii Excellentiss. Legatus;

Filiæ, in ornamentum seculi formatae Charites;

Ex his Incomparabilis Minerva,

HENRIETTA CATHARINA,

GERSDORFII. HEROIS ILLUSTRISS.

BAR. ET IMPER. BANDERESII,

(Quem hîc nominasse satis est,

Cùm meritorum Ejus granditatem hæc non ferat scriptio,)

Pietate, Lingvis, Artibus, sine exemplo Conjux;

Alterâ, **RACHEL SOPHIA,**

Celsa animo AMAZON, nupta olim

Generosissimo DN. JOH. GEORG. de SCHLEINITZ,

Divo ELECT. SAXONI à Consiliis secret. Direct. Cam.

Com. Cubic. Supr. rerum Censual. & Provincial.

Lud. Misenens. Ephoro;

* *Allud. ad Virg. Æn. I, 76. seqq.*

Tertia, MAGDALENE SIBYLLA,
 (Quam Venerem dixisses inter Virgines,
 Junonem inter Fœminas Illustriores,)

Per-Illustri DN GEORGIO RUDOLPHO
 De SHWEINITZ, LIB. BAR.
 ELECT. MAGNO FRIDER. WILHELMO
 A Consiliis Justit. Sereniss. PHILIPP.
 MARCH. BRANDENB. Gubernat.
 Et Canonico Magdeburg. elocato;

Quarta in spem maximam relicta Virgo,
CAROLOTTA JUSTINA, Baronissa;
 Quinta dudum suo redonata Cœlo.

Desinant mirari secula *Metellum* unicum,
 A quatuor filiis, Prætore uno, tribus Consularibus, **
 Illatum rogo Romæ.

Contumulatur FRISIUS Saxonie. Mœcenas
 Ab Heroa Conjuge,
 Duobus Filiis Insignibus,
 Filiabus IV. Excellentiss.
 Nepotibus XIX.

Tantum non insolito his regionib. exemplo
 Convixit alter Conjugum cum alt.
 Per tot sine lite annos, adeo concorditer,
 Ut nullius cum Sorore Fratris contubernium
 Præsentiore semper pace uteretur.

* Non sic appositis vincitur vitibus Ulmus,
 Ut sua erant Costæ brachia nexa suæ.
 Per IV. supra XL. Annos

Continuè inter Principum ministeria exactos,
 Quot quantisque curis, morbis, & periculis obnoxius,
 Infractâ semper fide FRISIUS!
 MORS tandem imperans SUPREMA,
 Ad vasa colligenda conclamavit:

Mors, Mathematicus perversus, calculum invertit;
 Dum nos numeramus & multiplicamus Annos,
 Illa subtrahit & dividit.
 Hinc pedetentim corrui
 Antiquæ Domûs Columen & Culmen,
 Avis decorum, Decus Avorum,
 Mense Julio adulto dejectus ad fatale stratum,
 Tenesmo superveniente viribus orbatus,
 Propter Diarrhæam fuit.

Non in Medicorum viribus, non in humanis
 Situm erat, superare metam.
 CAROLUS præsentiens Fatorum ordinem
 Solatia divina imploravit,
 Sancta miscuit cum Viris Entheis colloquia,
 SPENERO & CARPZOVIO;
 Cœlestibus inauguratus Evcharistic. per Sacrament.
 Julio cadente valedixit suis:
 Novissimam salutem sigulis addixit.
 Sanctissimè, ut vixit, expiravit Dresdæ,

* *Catullus in Epithalam.*

FK 262320
Similis indormienti acqviscens,
Mensis die undetricesimo, A. M. 156. XXCVI.
Consternationem insolabilem reliquit omnibus,
Memoriam posteritati immortalem.
Cum penè ipsa obrigesceret in lapidem
UNIVERSITAS WITTEBERGENSIS,
Gratisfimorum testem animorum
Lapidem loquentem fecit,
Id est, stylo lapidario hoc Breviarium
Inter Arbores has posuit,

* *Quæ nec secula centies peracta,
Nec longa cariem senectæ*

Timent: Vidit aliam, hîc ponè germinantem,

** *Quæque virescunt semper, frondes & semper easdem
Magnatenet, seræ longinqua ad fata senectæ.*

* *Martial. de Cupress.* ** *Passerat. de Palma.*

†

Α

&

Ω

VITÆ. MORTIS.
AUTORI. DEO.
MEMORIÆQUE.
SEMPITERNÆ.
CAR. FRISII.
HEROIS. SACRUM.
CUIUS. INGENIUM.
IN. ADOLESCENTE. LEUCORIS.
IN. JUVENTUTE. HOLSATIA.
IN. VIRILI. FLORE. PALATINAT.
IN. PLENO. ROBORE. SAXONIA.
IN. SENECTUTE. MISNIA.
IN. OMNI. VITA. RELIQUA.
IMPERIUM. HOC. SS. COLUIT.
OB. EGREGIA. IN. REM. LITER.
MERITA. BENEFICIAQUE. CONLATA.
CUM. MARMOREAM. NON. POSSET. STATUAM.
OBELISCUM. HUNC. ENCOMIASTICUM.
AD. OBSERVANTIAM. PERPETUAM.
UNIVERSI. CORPORIS. HONESTISS.
ORDO. ACADEMICUS. CURAVIT. PONI.
EXEQVENTE. KIRCHMAJERO.
ANNO. ÆRÆ. CHRISTIANÆ.
M. 156. LXXXVII.
V. KALEND. FEBRUAR.

F. R. 80.

(x2048397)

Z6
2920

EXTREMI H
 HEROI in Toga penitè
C A R O
 L. B. de F
 Röthav. Cottæ, Ge
 benæ D Y
 SERENISS. SA
 à Consiliis Sanctior. Pro
 Nec non Supr. I
 PRÆSIDI ILLUS
 DEMIÆ WITT
 Nomine ac An
 Decenter perfo
C A R O L O M A G
 Aliàs Emortuali
Religiosè consecrati, Ann
 à
G E O R G I O C A S P. F

DRES
 LITERIS BERG

